

آبونه شرالطی : هر بر ایچون
سنه لکی (۴۰۰) آلتی ایلنی
(۲۲۵) ممالک اجنیه ایچون
سنه لکی (۴۰۰) ، آلتی آیلنی
(۲۵۰) غروشدور .

نسخه سی ۷,۵ غروشدور .
سنه لکی ۵۲ عددور .

اداره خانه : باب عالی جاده سنه
رشید افندی خاننده

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدله ن
یازیر اطاده اولنماز .

الهیات فاکولته سی

شماره ۱۰۰۰۰۳۳۱

آدره سی تبدیلینده آریجه
غروش کوندرملیدر .

مکتوبلرک امضاری واضح
واوقوناقلی اولسی وآبونه
صره نومروسنی محتوی
بولونسی لازمدر .

ممالک اجنیه ایچون آبونه
اولانلرک آدرسلرینک
فرانسزجه یازلسی رجا اولنور .

پاره کوندرلدیکی زمان نه
داثر اولدینی بیلدیرلسی
رجا اولنور .

آبعون اهدکم سیل الرشاد

صاحب ومدر
اشرف ادیب

باش محرر
محمد ماکف

والله یهدی من یشاءالی صراط مستقیم

جلد ۲۴

۱۵ مایس ۱۳۴۰

* پنجشنبه *

۱۲ شوال ۱۳۴۲

عدد ۶۰۰

الهیات فاکولته سی

الهیات فاکولته سنک وضعیت علمی سی

علاقه داران طرفلرندن ایضاح ومدافعه ایدیله مه مک یوزندن، مجلس
ملیده قبول اولنان الهیات فاکولته سی تاسیسی مسئله سی، پک غریب
برشکل آلدی . بویا کولته نک تاسیسی خبرینی حاملآ آقره دن استانبوله
کان هوا ی نسیمی دارالفنون مدرسین کرامنک سامعه حسیاتی تهزیز
ایدرا اتمز روحلرنده پک درین بر تهیج مسرتکارانه تولید ایلدی . درحال
اجتماعلر ، مذاکره لر عقد ایدیلرک مستقبل فاکولته نک تدریسات
پروژه سی تنظیمه چایشیلدی . مسئله ایله پک یقیندن علاقه دار بولنان
متعدد مدرس بکلرک مطبوعات ستونلرینه انتقال ایدن منتظم مقاله لرندن،
پراکنده افاده لرندن غایه عمومیه دینه ایله مترافق بر پروژه تنظیم
ایده مدکری آ کلاشیلمش وبو خطانک تصحیحی ایچون رسمی مراجعتلر،
غیر رسمی اخطارلر وقوع بولمشدی . مملکتک متنوع معارف احتیاجاتی
تطمین ایتک مسئولیتی عهده حذاقت وبصیرتیه آلان معارف وکالت
جلیله سنک ، دارالفنون مدرسین کرامی طرفلرندن بالتنظیم تقدیم
اولنان الهیات پروژه سی، ارباب اخصاص ایله بالمشاوره عریض وعمیق
برصورتده تدقیق ایدرک مملکتک معارف دینه سنه خادم برشکله
قوماسی پک زیاده امید اولنوردی . مایسک یدنجی کونی اجرا ایدیلن
کشار مراسمی اشناسنده مستشار فؤاد بک ایله دارالفنون امینی اسماعیل
تی بک طرفلرندن ویریلن ایضاحانندن ویه مطبوعات ستونلرینه

عکس ایدن درس مفردانندن آ کلاشیلدیغه کوره پروژه ده هیچ برکونا
تصحیحات اجرا ایدلماش و اولدینی کبی تطبیقنه جواز ویرلشدر .
هیچ شبهه یوقدرکه مجلس ملیده تاسیسنه قرار ویریلن الهیات
فاکولته سی بوشکلده بر الهیات فاکولته سی دکلدور . چونکه بوشکلده کبی
الهیات فاکولته سی خزینه مات وده لته تحمیل ایدیلن فائده سنز ونعمت سنز
برکلفتنن عبارتدر . اصغری فداکارقلر مقابیلنده اعظمی فائده لر
استحصال ایتک مجبوریتده بولنان هر هانکی مجلس مهم مقدارده
مالی فداکارلقه مال اولان ، فقط مملکتک نه معارف دینه سنه ،
نده معارف دنیویسنه خدمت ایدمه چک برشکله صوقولان برفا کولته
تاسیسنه نه قرار ، نده جواز ویره من . مجلس ملینک قبول ایتدیکی
الهیات فاکولته سی بتون لوازمی حاوی بر الهیات فاکولته سیدر .
عقل ، منطق ، تجربه ، علم ، مصلحت طامه ، طبیعت مسئله ده بویله اولماسنی
مستلزمدر . تدریساته باشلامق اوزره بولنان الهیات فاکولته سی شکل
حاضرینی محافظه ایتدکجه ، مملکتک نه معارف دینه سنه ، نده معارف
دنیویسنه فائده بخش اولامیرق یالکز برکافت مالیه حالنده قالدجغنی
هر کسک آکلایه یلمه سی ایچون موقع تطبیقنه قونولان درس پروژه سی
تدقیق وایضاح ایدلم .

علوم دینه متخصصلری یتشدریمک اوزره قبول اولنان درس لر
شونلردن عبارتدر : تفسیر وتفسیر تاریخی ، حدیث وحدیث تاریخی ،
فقه تاریخی ، کلام تاریخی ، مابعدالطبیعه ، تصوف تاریخی ، تاریخ
ادیان ، اجتماعیات ، روحویات ، اخلاق ، تاریخ فلسفه ، تورک تاریخ
دینیسی ، دین اسلام تاریخی ، اجتماعی روحویات ... الهیات فاکولته سی
ایشته بوصورتله تشکیل ایدلشدر . الهیات فاکولته سنندن اسلامیتک

بکله دیکي غايه ايله علوم اسلاميه نك نه لردن عبارت اولدغنی بيلمه ينلر وار ايسه ، اونلرک بوشعشعلی درس پروگرامندن بيوك اميدلره دوشمه لری احتمالی وارد خاطر اولاييلير . فقط ، طبيعت مسئله دن غافل بولما يانلرک عظيم بر انكسار خياله اوغرايه جقلری ده شه سزدر . بومسلسل ومحتشم درس لر مياننده ، غايه دينيه ايله علاقه دار علوم اسلاميه نك امهاتندن معدود يالکيز ايکي درس کوريلبور : تفسير و حديث درس لری ... سائر درس لرك بر قسمی طار بر پروگرامده اهمال ايديله بيله جک درجه ده فرعی درس لر دن عبارتدر . مثلا : تفسير تاريخی ، حديث تاريخی ، فقه تاريخی ، کلام تاريخی ، تصوف تاريخی ، تاريخ اديان درس لری بر عالم دين ايچون قيمتلی معلومات منبعلريدر . فقط علوم دينيه نك اساسات و ضرورياتی مياننده داخل دکلدرد . اساسات و ضروريات دينيه يه تاند درس لر ايله برابر ، اونلرک ده تدريس و تدریس ايدله لری پک زياده شايان تمی در . فقط زمان و پروگرامک طار لئی حسييله ايکی سنی برلکده . تدريس و تدریس امکانی بولنه مانجه اصول علومی فروع علومه تقديم و ترجیح ايتک مجبوريتنده يز . ديگر قسم درس لر کاملاً علوم دينويه يه تاند اولمقله برابر تدريس و تدریس ينه پک شايان تمی ايسده ، يکانه غايه سی علوم دينيه متخصص لری يتشديرمک اولان الهيات فاکولته سنده ، علوم دينيه نك اساسات و ضرورياتی ترک واهمال ايديله لرك فروعيله ، غايه دينيه دن اوزاق بولان علوم دينويه نك تدريس و تدریس ايدله سی انسانه بلاختيار :

ترسم نه رسی بکمه ای امرای
این ره که تومیروی بتکستانست

ديدير تيور . تفسير و حديث درس لری شه سز علوم اسلاميه نك اس اساسيدر . فقط علوم اسلاميه نامه يالکيز تفسير و حديث اوقوتمقله ، علوم اسلاميه دن هيچ بر درس اوقوتماق آره سنده ، غايه عمومیه دينيه اعتباريله شايان اهميت هيچ بر فرق يوقدر .

اولدجه مهم ومهم تلقی ايتديکم بوقطه بی بر آرز توضیح مجبوريتی حسن ايديبورم : قرآن و حديثک تفسير لرندن اول بالذات قرآن و حديثک وضیعت و ماهيتلرینه دائر معلومات مجمله ويرمک لازم کليور . قرآن و حديثک ، عقائد ، عبادات ، مناسکات و مفارقات ، حقوق و معاملات شعبه لری واردر . قرآن و حديثک بوشعبلره تاند احکام جزئيه بی يکان يکان ايضاح و احتوا ايتله لری حکمت و مصلحته موافق دکلدی . چونکه بوشکلده ، ماهيت ساويه لرینی محافظه ايتک قدرت بشریه نك خارجه جيقمشن اولوردی . آنک ايچون قرآن و حديثک محتوياتی نامتناهی حادثات جزئيه يه دائماً قابل تطبيق احکام عموميه و قواعد کلیه يه منحصر قالدی . قوانين بشریه بيله بوشکلده تنظيم ايديلير و احکام عموميه نك حادثات جزئيه يه تطبيق حکامک اقتدارلرینه ييراقيلير .

حکامده علوم حقوقيه و جزائيه بی اولج . تحصيل ايتمش بولمق سايه سنده بو قابليت کوستره بيلير . راست کله هر فردک هر هسانکی قانوندن استنباط احکام ايتمه سنه و احکام قانونيه بی حادثانه تطبيق ايله سنه امکان يوقدر . ايشته قوانين بشریه کبی ، قوانين ساويه دنده هر کسک استنباط احکام ايتمه سنه و آیات و احادیثی حادثات دينيه يه تطبيق ايله سنه امکان يوقدر . قرآن و حديثدن احکام اعتقادييه بی بولوب جيقارمق متکلمين اسلاميه نك وعبادات ، مناسکات و مفارقات ، حقوق و معاملات شعبه لرینی حاوی احکام فقهيه بی سه چوب ايرمقده فقهای اسلاميه نك کوستره بيله جکی بر قدرت و قابليت علميه در . بو اعتبار ايله ، علم کلام قرآن و حديثک بر تفسير اعتقادييه ، علم فقهده بر تفسير عملي و حقوقيسيدر . بناء عليه کلام و فقه درس لری اوقوتماقجه تفسير و حديث درس لرندن ايديله جک استفاده پک جزئيدر .

لسانمزده تفسير نامه يه متعارف اولان قرآن و حديثک معنارینی ايضاح ايتمکده بولسان شرح لر نه کلام ، نه ده فقه کتابی دکلدرد . قرآن و حديثدن شعبات احکامی استنباط ايتک متعارف مفسر لرك هم وظيفه لری ، همده صلاحيت علميه لری خارچنده در . اونلرک وظيفه و صلاحيتلری قرآن و حديثک معنارینی صرف ، نحو ، معانی ، بيان ، بديع قواعدينه توفيقاً شرح و ايضاح ايتمکدن عبارتدر .

يکی اساسلره مستند يکی بر حقوق طائله قانونی ايله ، حقوق مدنيه قانونی يابيلمق اوزره اولدغنی جهته فقهک مناسکات و مفارقات قسمه تاند احکام ايله معاملات حقوقيه يه دائر قسمنه فيا بعد احتياج حسن ايدله ليه جکی درميان ايدلک احتمالنه قارشى ويريله جک جواب شودر : بو ، مسئله نك جهت قضائيه سيدر . هر هانکی حادثه بی حل ايتديرمک اوزره محکمه يه مراجعت ايدن کيمسه ، حادثه نك نوعه مخصوص احکامنه اويماق مجبوريتنده در . فقط ايشک برده جهت افتائيه سی واردر . حادثه بی محکمه واسطه سيله دکلده ، احکام فقهيه دائره سنده حل ايتديرمک ايتستين کيمسه بالطبع يارسمى و يا خود غير رسمی بر فقيه مراجعت ايدله جکدر . بوکی کيمسه لره - عندالايحباب - جواب ويره جک فقهلر يتشديرمک ضرورتی قارشوسنده يز .

فقيه يتشديرمک تاريخ فقهی اوقوتمقله دکل ، بالذات فقهی اوقوتمقله ممکن اولور . متکلم يتشديرمک خصوص سنده ده عینی ضرورت محسوسدر . ومتکلم يتشديرمک ده علم کلامک تاريخی دکل ، بالذات علم کلامی اوقوتمقله قابل حصولدر . شو حالده علم فقه و علم کلام درس لرینک پروگرامه درج ايدله سی مطلقاً لازم کليور . درس ساعتلری بو علملری تاريخلريله برابر تدريس مساعد دکله ، تاريخلرینی ييراقه رق بالذات کنديلرینی اوقوتمق مقتضای حکمت و مصلحتدر .

طلبه نك ، احکام اعتقادييه و فقهيه بی قرآن و حديثدن اوگر نه سی

اخلاقیات

وظائف اخلاقیه نیکه قوه تأییدیه لری

بشریتك غایه خلقی مكارم اخلاقیه در . حضرت محمد علیه السلام
افندمرك « بن مكارم اخلاقیه بنی تأسیس و تعمیم ایتمك حكمته مبنی بهت
اولندم . بیورمش اولماسی مكارم اخلاقیه نك ، نظر اسلامده کی اهمیتنی
كوسترمكده در . مكارم اخلاقیه نك برمدنی ، برده منتهاسی واردر .
مدنی « سلامت نیت » دن عبارتدر . سلامت نیت : فلسفی افاده سیله ،
نفع و ضرر دوشونجه لری « خوداندیش » لکه حصر و تخصیص ایتمه یهرك
« دیگر اندیش » لکده مهم بر موقع ویرمكدن عبارتدر . شرعی
افاده سیله ، نفسنك نائلیتی نمی ایتمدیکی ایلیکله دیگر کیمسه لركده
نائلیتی نمی ایتمدیکی و کندیسنك مصون قالمق ایسته دیکی قالمقردن
دیگر کیمسه لركده مصون قالمالری ایسته مسندن عبارتدر .

مكارم اخلاقیه نك منتهاسی ده سلامت افعالدن عبارتدر . سلامت
افعال : سلامت نیتك آثار خارجیسی و نتایج مادیسی دیمكدر .
اخلاقك عندالحالق و عندالمخلوق مقبول و مستحسن اولماسی و بناء علیه
مكافاته مستحق کورولمه سی مبدئیه منتهاسنك یکدیگرینه توافق و تطابق
ایتمه سنه و ابسته در . سلامت نیته مقارن اولمایان افعال ، غیر اختیاری
و غیر شعوری ، تعبیر دیگر ایله تصادفی اولهرق فضیلت و خیریت ایله
التصاف ایده بیله چکی ایچون شایان تحسین و سزاوار مكافات اوله ماز .
سلامت نیتده مقبول و مستحسن آثار خارجییه ایله نتیجه پذیر اولمادینی
صورته اهمیتنی ضایع ایدرسه ده ، صاحبی ده مستحق مؤاخذه دكدر .
فقط آثار خارجییه دن مجرد سلامت نیتك ، غایه خلقی تحقق ایتمیره .
میله چکی جهته سلامت نیتی دایما سلامت افعال ایله نتیجه لدرمکه چالیشمق
مرحسن نیت صاحبنك بك مهم بروظیفه انسانیه سیدر .

اسلامیتك یالکز سلامت نیته مكافات وعد ایتمدیکی واردر . فقط
شخصی مكافات ایله اکتفا ایتمك خوداندیش لكدن عبارت قالیر .
حال بوکه غایه خلقت یالکز خود اندیش لك دكدر . بلکه دیگر اندیش لك
غایه خلقتك اك مهم قسمیدر . چونکه انسانلرك ، یکدیگر لرینه قارش
ایفاسیله مكلف بولندقلری معاونت اجتماعیه آنجق دیگر اندیش اولمالریله
قابل تحققدر . بناء علیه بر کیمسه آنجق کندیسنك مستفید اوله بیله چکی
سلامت نیت مرتبه سنده توقف ایتمه رك افعال و اعمال خارجییه سیله
انسان نوعی مستفید ایتمه و بصورتله کندی مکافاتنكده تضاعف ایتمه سنه
چالیشمه لیدر . آلدن کلدیگی قادر دایما كرك کندینه و كرك هموعنه
نافع اولمایه چالیشمق هر انسانك ایلك وظیفه سیدر . انسان بووظیفه سنی
نه درجه اهل ایدرسه غایه خلقتدن اودرجه اوزاقلاشمش اولور .

ممکن فرض اولنسه ، بو امکان تحققی محال بر امكادر . چونکه بتون
مدت تحصیلیه طرفنده اعظمی بر غیرته بر قاچ - وده و بش اون حدیث
آنجق اوقوتیله بیلیر . دهها فضله اوقوتیله لرینه نه درس ساعتلری ، نه ده
مدت تحصیلیه مساعد دكل ایکن ، تاریخ تفسیر و تاریخ حدیث درس لرینكده
عین مدرس لرك عهد لرینه تودیع ایتمیش بولماسی تفسیر و حدیث
درس لرندن استفاده امكاتی کلاً سلب ایتمكدر .

پروغرامه یالکز علم فقهك علاوه سی ده تأمین مقصده کافی گلر .
علم اصول فقهك علاوه سی دخی بر فرض علمیدر . احكام فقهیه نك
قرآن وحدیثدن کیفیت استنباطلری کیف ماتفق بر مسئله دكدر .
علمی پرنسیپلره ، فلسفی دستورلره ، منطقی قانونلره تابعدر .
بو پرنسیپلری ، دستورلری ، قانونلری بیلمه ینلر قرآن وحدیثدن
استنباط احكام ایده منزلر . ایدرلره ، سلیمان نظیف بلك زنگینلری
اوروج طوتمقدن قورنارمایه معطوف شفاعت اجتهادیسی کی اجتهادلر
قارشوسنده قالیرز . اصول و شرائط اجتهاد و استنباطی بیلملر فقههای
اسلام حضراتیدر . و اصول و شرائط مذکوریه ایحتوا ایدن و بیلملیرن
علم و فن ده (علم اصول فقه) عنوان ذی وقارینی طاشسیمقده بولنان
فن جلیل اسلامیدر . بشری علم و فنلرده ، اصول فقه اسلام درجه سنده
منتظام اساسلره ، صارصیلمز تملره مستند هیچ بر علم و فن یوقدر .
علم اصول فقه فلسفه نك اك یوكسك بر طبقه سیدر . قرآن وحدیثدن
هوائی ، کبی ، جاهلانه ، غافلانه ، بدخواهانه مغالره ، مقصدلر ،
حکملر چیقارماسنه مانع اولان یکانه فن اصول فقه فن جلیلیدر . بو فن
جلیل منسی و متروك بر حالده قالیرسه قرآن وحدیث هر کسك بازیجه
آمال و هوسانی و هر بدخواهك آلت شر و فساد اولور . بو فن جلیلی
بیلمه ین بر کیمسه قرآن وحدیث ایله احكام فقهیه آره سنده کی علمی
مناسبات و روابطی آکلایه من . اصول فقه فی هر هانکی بر حکمك
احكام اسلامیه دن اولوب اولمادینی فرق و تمیز ایتمك ایچون یکانه بر میزان
علمیدر . اصول فقهی بیلمه ین بر فقهك معلومات فقهیه سی شعوری ،
استدلالی دكل ، غیر شعوری و تقلیدیدر . علم اصول فقه درجه سنده ،
انسانده کی فکر محاکمه کی تقویه ایده چك ، هر هانکی بر مسئله نك تدقیق
و تعمیق ایچون لازم کان علمی طریقلری کوستره چك هیچ بر علم مدون
یوقدر . یالکز اسلام متفکر لرینك دكل ، موسوی و عیسوی متفکر لرینك
دخی حیرت لری جلب ایدن بو فن جلیل ، بر قانون شعبه سی اولان
مکتب حقوقده تدریس ایتمکده ایکن ، بو کون ، الهیات شعبه سنك
پروغرامندن خارج قالمه سی بزده منطقتك ملغا قانونلر صیره سنه کیردیکنی
کوسترمکده در ا